

Jumi-jaega e~t ket orec' ge A_dibasikoak' Maran'ak' kana – Mn. Maran' Muntri Sheik Hasina

Calaoen 14 July, 2020 disa_mren Manotan Maran' Muntri“EKNEK”Sobharey menakada,Khudro Niri gost_hi ar dhoromte t_hor_a hor_ koak' (religious minority) jaega-jumi do rukhia_lagaok'a. Asol katha do Jumi-jaega ra_khi jogao bebestha mon'j lagaok'a (Dhaka Tribune). Biswa_sok'a_n' Mn. Maran' Muntri Shekh Hasina ho ja_tia_ri ar dhoromre thor_a hor_ko nia_diso_mko ba_gi ak' se mit' t_ha_i khon ar mit' t_ha_i te calak' se da_r., goc'-gopoc', maejiuko koclon' nia_ko reak' maran' karon ho nia_o_t bar_ge reak' mente ko cinha_akada. Diso_m re be-sarkari sa~otako ka_mi, o_t-bar_ge nia_onko ho dome dom o_tbar_ge reak' karonge koclon' reak' ko odok'a_guyeda. Bangladesh Legal Aid and Services (BLAST) ren benaoic' Trusty Barrister M. Amiru-Ul- Islam ak' suhiak' mit'onol sakam 29 august 2017 sernare A_n Bica_r ar Sonsod Bisoyok Montronaloiren Mn. Montri Anisul Haque MP t_hen sodorlena. Ona sodor sakam reak' mit't_en Union Porisod (Rajshahi Godagari thana reak' Gogram Union) reak' kathako olakada nonka leka-Bharot diso_m bhagar Pak-bharot la_r_ha_i, Bangladesh reak' diso_m phurga_l chad_a ho~ mimit'okte napitre diso_m reak' la_r_ha_i, rajniti, bhot_ okte reak' koclon'ko okte Gogramren a_diba_si hor_ko do 1947,1965, 1971 serma chad_a ho diso_m phurga_l tayom nit ho jao okte rajniti reak' koclon' nia_t.ot_haren hor_ko 2001 serma khon 2013 serma dha_bic' oka do apnarte oka do botorte akoak' janam hasa ar diso_m ba_gi katek' et.ak' diso_m ko calao akana. Aema hor_ do ar ho rua_r_hec' kate ar ako ak' o_t – bar_ge bako n'am akada. Gogram reak' Puja_tola re bosotok' kan 75 got_en a_diba_si gharon'jrenko modre 75% hor_ ge o_tbar_ge begor ta.nd_ireko

tham ga.d.i akana.

Ona t.ot.haren hor. koak' kathate, lno. khotian re 316 dag no. re eken 82 bigha. o_t bar.ge menak'a ga.i-dan'gra a.tin' bila.n t.a.nd.i mente. Ar nia. hasare nit ha.bic' tham ga.d.iakan a.diba.si ar ban'gali jotokoge menak'koa. Menkhan a.dibasiko lagako la.git' mit' dol hor.ko lagao akana. Diso_m reak' a.n hisa.bte 82 bigha. khas has age a.diba.siko n'utumte bondobo~s reak' katha menak'a menkhan cet' kha.tir con' a.n ar a.yurko ona bako ha.t.in'ako kana; ond.eko bosotok' kan o_tbar.ge ba.nuk' tako hor.ko modre ona do ban' bad.aeyok' kana.

Onka leka n'elogok'kana, Dinajpur, Rajshahi ar Mymensingh jila. khon ho nonkan khobor bad.ae akana je onako jila. re diso_m reak' Odhigrohon ar Projasotto A.n, 1950-reak' (97) 8 dhara lekate ond.enko a.diba.siko ak' o_t-bar.ge ruar. n'am reak' ardas n'amkate ho ond.enko a.yurko jahan podokhep bako hataoet' kana.

A.diba.siko lahanti lagit'ko ka.mikan sa~otako a.diba.siko cet' cet' karonte o_t-bar.geko at'eda ona reak' mit' karonko odok' od.on' akada- okako karonko odok' akana ona do latare re ol oduk'ena-

Politics Population Transfer (rajniti hor. son'kha d.her ar mit' t.ha.i khon ar mit' t.ha.i khon ar mit' t.ha.~ite calak') jorkate diso_m ba.gi ocoko, mit't.en a.d.i nic ja.tia.ri rajniti ha.tia.r. Kaptai badh, National Park, Eco-park tear ar nana huna.r koclolan ka.miko guna.k'te. Jotokhon muca.t' Modhupur bir gajar. sapha kate a.diba.si koak' bir hasa bar.ge lij em ar nonkate aema a.diba.si ato ar hor.ko adogok' kana.

A.diba.si koak' hokum chad.age onko menak'ko t.ot.hare eco-park , ja.tiya.ri park, samajikbir tear lekan ka.mi hora hatao.

A.diba.siko sedae khonko jojomkan se ko bosotok' kan ona hasa, o_t-bar.ge onko begor bad.aetege reserve forest, ar khas bar.ge got.a.

Apanar o_t-bar.ge khon rakap'ko, sae sae er.e mamla emkate a.diba.siko henosta ar santahao ko ar onkate hor. hopon konac koclon'etkoa.

Ba.iri Sompotti A.n se Arporti Sompotti a.n;
O_t-bar.ge hatao,ba.r.ic' hor.ko jal dolil se kagoj kate jor
jobosti jaega dokhol;

Sarkari Bhumi Office reak' ba.r.ic' ka.mi ar a.diba.si sa~o
ba.iri leka bebohar.

Jaega jumi jorip okte ghus em, ghus ka.ud.i ban' em lenkhan
jaega jumi khas jaega mente olcar. haokak'.

A.n reak' asrai ban' n'am ar mamla re dar.e kate ho o_t-bar.ge
dokhol ban' n'am;

Bochor cetan bochor jeleka jug parmok' kana mamla calao
calaote enreho~ jaega at'eda ar apanarak' ho~ sanamko at'
cabayeda.

N'am akan khoborko hotete bad.aeyok' kana, ban'ma 2019 serma
Dhorom ar ja.tiya.ri hor. koak' mit'leka 9 hajar 507 ekor
jaega dokhol akana. Jaega-jumi, o_t-bar.ge ar onkanak' aema
bisa.iko nia. calaoen serma 108 got.en goc'-gopoc' do hoe
akana, 111 got.en gujuk' reak' botor oduk', 88 hor. goc'ko
rean' kurumut.u, koclon'te 484 hor. akham, 76 hor. an'gen, 42
hor. ko konac' (rape), 18 hor. do aema hor. te kokonac' (gang
rape) 26 hor. at' akat' koako, 148 hor. jor kate et.ak'
dhoromko hatao oco akat'koa, 387 gharon'jre koclon', 92 got.en
or.ak're se~n'ge~l lagao, 434 gharon'jren akoak' or.ak'
d.ind.a. khon laga n'ir, 641 gharon'j diso_m ba.giak' reak'
botor ocoko, 379 got.en gharon'j diso_m khon jorkate laga
od.ok'akat'ko.

Tobe dhorom ar ja.tiya.ri te thor.a hor. se a.diba.si hor.ko
cetan reak' ghot.onako re jopor.ao akanko cinha. kate ho
sa.ja.i bako n'am akada.

Manotan diso_m Maran' Muntri am do dhorom ar ja.tiya.rite
thor.a hor. se a.diba.si hor. koak' mon reak' kha.ndri hudisem
at.kar akada; Sisirja.uic' am ona akel-e emakat' mea. Nia.bar
do kha.tigele patia.u dar.eak'a je dhorom ar hor. lekhate
okoeko thor.a aleak' o_t-bar.ge, or.ak' d.ind.a. ar ban'
dokholok'a, dhorom ar ja.tiya.ri hor. lekhate kom hor.ko ar
bako koclon' ocok'a. Bon'gobondhu Sheik Mojibur Rahman do
ja.ti-dhorom-boron sanamko mit' kate nia. sonar ban'gladiso_m
reak' kukmue n'elleda.

Bon'gobondhu ja.tiya.ri, sanamko mit'te tahe kate napae mit' diso_m reak' marsale jeret' ot.olet' ona do jemon alo a.r.ijok'. Dhorom ar Ja.tiya.ri lekhate thor.a hor.ko(minority)la.git' diso_m reak' colon jemon nonka alo hoyok' je- ape do diso_m ba.gi kate calao jon'pe pharakte. Bon'gobondhuak' nuna.k' jha.l rajniti jion reak' motolob ar jostet' hara-buru ar ona ten'goket.ej ja.rur. menak'a; din din rajniti re nia. ko do rar.ec' calak' kana. Diso_m reak' rajniti reak' nil serma re hende rimilte aloe eset' cabae ma. Sonot soster re meneda- ''Raja do nandanko hokteye bik'ca.ret' takoa, Onate uniak' sin'ha.son do jaejug thamga.d.iyakan tahena (Ka.htukkoreakputhi 29:14).''

Rajshahi re A.diba.si Mahale ga~ota ak' maran' Jitiya Porob manao

Rajshahi re A.diba.si Mahale ga~ota koak' maran' porob Jitiya Porob ko manaokeda.

Mahale language and Development Committee (MLDC), Mahale Students Council ar besarkari sa~ota MAASAUS 10 September 2020, lukhibar Rajshahi reak' Poba Upojila reak' Damkur.a Hat. re nia. porob ko manaokeda.

Setak' 10 baja sec' mit' ra.ska. sa.ria.o (rally) ko tar.amkeda. Ona tayom gapalmaro ar enec' seren' akhr.a hoypura.oena. Nia. akhr.a re mukhia. a.yuric' hisa.te tahekana MAASAUS ren em calhataoan a.yuric' ar MLDC'ren maran' mukhia. Merina Hasda. Maran' Per.a hisa.bte setere tahekana MAASAUS ren chairman Jakob Hembrom. Manotan per.a hisa.bte seterko tahekana Dighori Baisi Porisad re a.yuric' Cist.i Bar.oi,

Rajshai College Zoology Department ren mahasoe Thet onias Hembrom, MLDC ren sa~o a.yuric' Maikel Marandy, HSCDF-Ban'gladesh ren mukhia. David Richard Murmu, Damkur.a Hat. Mahale atoren man'jhi har.am Gabiyel Hembrom.

Setak' khon Sisirja.oic' t.hen koejon', Jitiya than re baha ar eman teak' em, Jitiya pit.ha em ha.t.in' ar t.ha.kur ak' upa.s bhangao hotete nia. porob do manaoena.

Rajshai re bhul Cikitsa emte santal gidra. goc'en reak' na.lis

10 September 2020, Rajshahi Lokkhipur t.ot.ha reak' Popular Diagnostic Cent.er re 3 bochor tala umerren mit' santal gidra. goc'en reak' so.mbat n'am akana. Menkhan Popular Diagnostic Cent.erren a.yurko do akoak' bhul cikitsa em reak' katha bako sika.r akada.

Goc'en gidra. ak' n'utum do Mikhayel Soren, apat n'utum Kornelius Soren, en'gat Sabina Mardy. Rajshahi nan'graha reak' Purub Hor.ogram Isa.e atore onkoak' or.ak' do. Pneumonia rog n'amte uni gidra. do Guru bar Popular Diagnostic Center re gidra. rog maran' doctor Belal Hossain t.hen ko idiledea.

Gidra.ren gharon'jren hor. ko bad.ae ocok' kana je Dr. Belal Hossain ak' serial do onko n'uhumber 7 baja sec' ko n'ameda. Uni doctor do apanar or.ak' khonge ac'ren gor.oic' hotete online te rogekoe n'elek'ko tahekana. Uni gidra. n'elkate uni do gidra. nebulizer se oxygen te sa~het' emok'e metat'koa ar ona em tayom khon ge gidra.ak' muskil do d.her idiyentaya. Ona

tayom hakopako onko Rajshahi Medical College Hospital ko kolket' koa. Menkhan atra dahar rege hopon gidra do goc'ena.

Ona tayom uni goc' gidra.wante uni ren go-baba do Popular Diagnostic Center gidra. bhul cikitsa em reak' katha ko na.liskeda ar ond.e tahekate ona rean' bica.rko da.bikeda.

Tayomte n'inda. sec' police hec'ente onko metak' koa jodi ape thanare a.n reak' beboatha hatao la.git' pe na.lis tobe kha.tige nia. reak' beboatha do hataok'a. Tayom te n'inda. 11 baja sec' thana re begor na.lis kate goc' gidra. nia. onko santal hor.ko do or.ak' ko ruar.ena.

Nia. bisa.ite Dr. Bellal Hossian ak' katha do pneumonia rog karonte uni gidra.ak' do sa~he~t' kos.to hoyok' kantaete nebolizer se oxygen le emade tahekana noa do jahan bhul cikitsa do ban' kana.